

100-16

Xo Lalwa Xa Kxarebê.

Molepa's location.

1. Kxarebê xe e letšwe mehleng ya kxalê, mmaxe o tla mmôna. Byale mmaxe o tla re xo papaxe a re ngwana oo xa ke mmone xa botse, nka ke motho eo a leng theko ya basadi. Byale o tla biletšwa bakxekolo ba taba tša mofuta oo xore ba mmônê. Bakxekolo ba tla mo sekiša, a ba botša a re ke sentše ke mokete. Yaba xo rongwa motho xo lesoxana xo fihliša molato oo wa thsenyêxo ya kxarebê.

Byale, xe lesoxana le ile la o dumêla molato oo, la re ke nna ke sentséng kxarebê, byale papaxe kxarebê o tla mo lefiša kxomo le podi tse pedi. Ke sôna seroto sa lesoxana xe le letše kxarebê mehleng ya kxalê.

Kxarebê xe e robetšwe e se ya senywa.

Kxarebê xe e robetswe e se ya kxora, molato wa xaxe a o sekwe.

2. Lešoboro.

Lešoboro a le na molato. Mehleng ya kxalê, lešoboro xe le ka lala kxarebê ngwana lôna o be a bolawa, ba re ke lešoboro xa se monna a se a wêla. A le na molato lešoboro, a le sekišwe.

Thsenyêxo ya kxarebê. Kxarebê xe e sentšwe e sekišwa ka xaê ke batswadi ba xaxe, a ba botša xore o sentše ke mang. Byale batswadi ba kxarebê ba tla roma motho xo batswadi ba eo a mo sentšeng, byale xe mosenyi wa kxarebê xe a dumêla a ka se ke a išwa lelxotla o tla lefišwa ke batswadi ba kxarebê kxomo le podi tše pedi.

Xe mosenyi wa kxarebê a xanetša, o tla išwa lelxotleng xo ntona. Byale xe lelxotla le mmôna molato le tla mo okeletša seroto sa tefô kxomo le podi tše tharo. Kxomo le podi tse pedi di tla fiwa batswadi ba kxarebê. Podi ya boraro e ja ke banna ba lelxotha, e bitšwa manganga-hlaxa.

3.

Kxarebê / ...

Kxarebê xe e se ya tšewa e sentšwe.

Batswadi ba kxarebê ba lefiša mosenyi wa xaxe kxomo le podi tše pedi. Kxarebê e botšišwa xabotse xore "0 sentšwe ke mang", e bile e xapeletšwa xore e bolêlê eo a e sentšeng. E, kxarebê e kxôna xo phara motho eo e seng yêna eo a mo sentšeng xe a bôna motho eo a nee dikxomo tšeo a ka mo lefang ka tšôna.

Xe motho a letše kxarebê, o a lefa kxomo le podi tse pedi xe a dumêla. Xe a xaana a išwa lelxotla mme a fumanwa molato, kôtlô ke kxomo le podi tše tharo. Kôtlô ke podi ya boraro, manganga-hlaxa. Podi eo e ja ke banna ka moka xa yôna kxorong. A a nyale ngwanenyana eo ka kxang.

4.

E mosenyi o a lefa le xe a nyala kxarebê eo. Xo noswana, mosenyi o a lefa le xe a sa mo nyale. Fêêla le xe a mo nyala mosenyi o tla re xo lefa xo lala kxarebê eo, byale ba a thôma ditaba tša xo tšea ka bofsa yaba xo nthsiwa maxadi.

A xo na dithsenyaxalêlô tše nthswang xo xodiša ngwaana mehlang ya kxalê.

Ngwana - Ngwana ke wa kxarebê eo e lexo mmaxe. Aowa a a ye xo papaxe ka xobane o ana mothopho o tee le mmaxe ka xobane ba no o lalana ba sa re re a tšeana.

Kxomo ya xo lefa kxarebê xe e be e se se ya xokwa, kxomo ke ya papaxe empa xe kxarebê eo e be e xokilwe kxomo eo o ya nayo boxadi, ngwana eo a tšwelang naê o tla ana mothopho wa monna eo a nywetšeng mmaxe ka dikxomo.

Kxarebê ya xo lalwa - Kxarebê xe e dio bônwa xore e leetšwe e ya sekišlwa, a xo emelwe xore a be le ngwana pele. Xapê a xo lebellwe ngwana kapa xo senyêxa xa mpa, xo lefiša xo lalwa xa kxarebê e sa e thwele.

5.

Kxarebê ya ngwana wa bohloêla.

Kxomo ya tefô ke ya batswadi ba xaxe. Xe kxarebê eo e senyêxa xapê la bobedi a e sa lefiša.

Aowa! a xo na motswadi (batswadi) ba dumêllang baradi ba bôna xo lalwa e le xore ba tle ba fumane dikxomo tša tefô.

6. Monna ya xopolêlang mosadi wa xaxe bohlôla (bofebi) -
Monna ya xopolêlang mosadi wa xaxe bofebi, a xo na seo a ka mo
diang sôna xobane a mo xopolêla fêêla a se a mmôna a fêba le
monna e mong.

Monna xe a swere motho (monna) le mosadi wa xaxe. Motho
eo (monna) a ka swarang a fêba le mosadi wa monna e mongwê, xe a
mo swara a sa fêba, monye wa mosadi o bolaya (motho) monna eo. O
mmolaêla xôna moo a ba swereng xôna a sa fêba le mosadi oo wa
xaxe.

Bohlôla. Xe monna a swerwe a dia bohlôla le mosadi wa
monna e mong, taba tša bôna di phêtha ke ba ka xaê, ba xabô
monna le ba xabô motho eo a diileng bohlôla, byale taba di tla
phêtha ke moxatša mosadi, yêna o tla bea seroto sa tefô - kxomo
kapa kxomo tše pedi.

END 5.221